



## **Sljedeća tri mjeseca ključna za uspostavu dobre uprave u Brčkom**

Dok Brčko ostvaruje očigledan napredak u provedbi ključnih infrastrukturnih projekata nužnih za ekonomski rast, sljedeća tri mjeseca pokazat će jesu li vlasti Distrikta spremne usvojiti reforme potrebne za osiguranje dobre uprave, izjavio je danas prvi zamjenik visokoga predstavnika i supervizor za Brčko Distrikt Michael Scanlan.

To podrazumijeva da se pred Skupštinom Brčko Distrikta mora naći novi zakon o državnoj službi kojim će se utvrditi parametri za učinkovitu, odgovornu i smanjenu javnu upravu.

To također podrazumijeva i nedvojbenu potporu Uredu za borbu protiv korupcije u provjeri osobnih dosjeva svih javnih uposlenika kako bi se utvrdilo raspolažu li oni potrebnim kvalifikacijama za poziciju na koju su primljeni kako bi služili građanima i gospodarstvu u Brčkom.

Nadalje, to podrazumijeva potrebu da se u javnim poduzećima Distrikta osigura postojanje istih visokih standarda u pogledu njihovog učinka i integriteta. U tom smislu, vlasti imaju priliku angažirati se, zajedno s međunarodnim donatorom, kako bi se osiguralo da finansijski rezultati, korporativna uprava, prakse opskrbe i sastav radne snage u javnim poduzećima budu u skladu s njihovom deklariranoj misijom javne službe, kao i s međunarodnim standardima transparentnosti, odgovornosti i učinkovitosti.

Način na koji vlasti Distrikta budu rješavale ova i druga slična pitanja, poput npr. rebalansa proračuna, provedbi odluka Povjerenstva za odlučivanje o sukobu interesa ili procesuiranja slučajeva korupcije, jasno će pokazati jesu li vlasti i izabrani dužnosnici u Distriktu dio rješenja ili dio problema, naglasio je supervizor.

O ovim pitanjima razgovarano je na sastancima supervizora sa čelnicima Vlade i Skupštine Distrikta, šefom Odjeljenja za javne poslove Brčko Distrikta, te predstavnicima brčanskih ograna SP RS i „Ujedinjene Srpske“.